

## Plenchi

### Bèl a bati

**TRINGG TRINGGG bèlèm..... TRINGG TRINGGG bèlèm.....**

**TRINGG TRINGGG bèlèm..... TRINGG TRINGGG bèlèm.....**

**Yega paso esaki ta nos último Plenchi di Skol pa aña 2016. Nos ta kontentu ku bo a keda fiel na nos durante henter aña. Nos a sorú pa semper tin kos bon di kompartí ku bo riba plenchi. Mirando ku pa fin di aña ta yen plenchi tin, nos ke duna espasio na e otro Plenchinan pa nan por hala hende. Esta bunita nos sentro di suidat a keda dòrná pa temporada di pasku. Masha plenchi di pasku mes tin e dianan aki. Pa nos sinta atmirá nos pais bunita. Nos haf natural, nos plasanan, nos hendenan kontentu ta kana keiru i disfrutá ku famia. Sali ku bo grandinan dal un keiru maske ta den outo. Kore kue un tiki koló, holo i ambiente paskual.**

**Nos plenchinan di skol ta sera dia 16 di desember. E plenchi aki di tur djasabra lo tin ambiente awe pa ultimo biaha den 2016. Nos ke deseabu un felis dianan di fiesta. Amor i pas den boso kas. Manera mi wela defuntu tabata bisa. Hisa pia of baha kabes laga tur tempestat pasa. No ta tur pelea bo mester partisipá den dje. Tin hende ke pleita i pulushá djis pa haña rason. Den e temporada aki djis smail i bira bai laga nan den nan kos. Ban sembra pas i amor. Yanuari nos lo ta bèk pa risibibu riba plenchi di skol. Dia 14 nos lo ta bèk. Un Felis aña 2017 ta nos deseo pa bo. Yen di salú, dicha i prosperidat.**

### Den agènda

#### Fakansi di skol

- 19 desember pa 4 yanuari

#### Dianan speshal:

27 novèmber Kuminsamentu di Advènt

1 desèmber dia di enseñansa i dia di Aids

2 desèmber dia di enseñansa speshal

3 desèmber dia internashonal pa personanan desabilitá

6 desèmber San Nicolaas

11 desèmber dia di sende bela

25 desèmber pasku di nasementu di Kristu Hesus

28 desèmber dia di inosentenan

31 desèmber bispu di aña nobo.

## Riba roster

### Siman 2 di Advènt. Siman di amor.

E departamentunan di PZ, finansas i salario a trese bunita mensahe di amor pa tur kolega.

Despues di un siman yená ku speransa ku ta tras di lomba,

E siman aki nos ta konopá amor na e siman di speransa ku nos tabata tin.

**A** Atraves di aña nan nos a siña kiko ta nifikashon di amor.

**M** Mustrando esei kada dia na nos sernan kerí , famia, amigunan, i koleganan ku ta forma parti di nos bida.

**O** Opstakulo nan por presenta I pone nos lubida I tin biaha asta desvia for di e berdadero nifikashon di amor, pero ora nos tuma tempu nos lo,

**R** Realisa ku nada no por stroba nos di ekspresa amor I brinda amor na otro, paso nos a wòrdu krea ku un amor inkondishonal di nos señor Dios.

Laga pa e dia nan di fiesta aki no simplemente nos desea otro pas, amor, speransa, I sabiduria pero laga amor brota for di nos kurason ekspresando esei di bèrdad.



## **Not'é riba bòrchi**

**Radulphus College su klasnan H3 i V3 a hasi un eksurshon den otrobanda pa e e materianan historia, geografia i arte. Nan a siña hopi di nos tesoronan den sentro di suidat.**



## **Mi ta konta**

### **Amor ku Amistat**

**Un dia Amor a puntra Amistat: “Dikon bo tei, ata ami aki kaba.”**

**Amistat a kontestá: Tur kaminda ku abo a laga un lagrima, mi ta perkurá pa trese un konsuelo i un sonrisa.”**

**Durante e dianan di fiesta aki, kòrda riba esnan ku no tin hende pa rondoná nan ku amor. Esnan bandoná mester di amistad pa asina trese sonrisa riba nan kara. Amistat ta di apresia i kuida.**



## Un preñchi



Mil a haña bishita di Piet, pero tur hende tabata bon mucha.



Reina i prens Tiner 2017 st. Jozef VSBO

## **Mucha djispou**

**Mener:** “Si mi regalabu 210 lòlipòp i bo kome mitar di nan, kiko ta e resultado?”

**Armando:** “Resultadonan mener.”

**Mener:** “Kon asina? Ta un resultado por tin.”

**Armando:** “Awel lo mi haña diabetis, meskos ku mi tata. Anto mi mama lo rabia mes mes ku mi pa no a kumpli mi promesa pa evitá e malesa kruel ei. Ta tur dia e ta drai e teip: Mi yu prevení ta importante, no hasi wega ku bo salú. Kome kos dushi na midí”

